

Oahppoplána

Duoji ja hábmema bachelorbargu

DUO-2010

15 oahppočuoggá



1. Oahpu namma

Sámegillii: Duoji ja hábmema bachelorbargu
Dárogillii: Bacheloroppgave i duodji og design
Eanjalasgillii: Bachelor thesis in Duodji and Design

2. Oppalaš diedđut oahpu birra

Oahpu koda: DUO-2010
Dássi: Bachelor, čiekŋudanoahppu
Viidodat: 15 oahppočuoggá
Galli lohkanbaji badjel: 1
Oahpu lágideapmi: Neahttadoarjjaoahpahuš: Sihke fysalaš oahppodeaivvadeamit Sámi allaskuvllas, ja lassin neahttaoahpahuš ja bagadallan. Fysalaš deaivvademiide dábálaččat ii leat vejolaš searvat neahta bokte.

3. Oahpu gullevašvuohta

Oahppu lea geatnegahtton čiekŋudanoahppu duoji ja hábmema bachelorprográmmas.

4. Sisabeassangáibádusat

- Dábalaš sisabeassangáibádusat alitoahpahussii. Sisabeassanvuodđu sáhtá leat juogo oppalaš lohkanlabbolašvuohta (čáđahan joatkkaskuvlla/logahaga/gymnása) dahje reálagelbbolašvuohta. Oppalaš lohkanlabbolašvuoda gáibádusat olgoriikkaohcciide bohtet ovdan NOKUTa GSU-listtus. Go oahppu lágideapmi sámegillii, de olgoriikkaohcciide ii gusto dárogielagáibádus, vrd. Forskrift om opptak til høgare utdanning § 2-2 (6).
- Sámegielmáhttu.
- Čáđahan 60 oč duoji ja hábmema bachelorprográmma fágaoahpuin dahje vástideaddji oahpuin.

Sámegiela gáibádusa sáhtá deavdit čuovvovaš vugiid mielde: Norgga joatkkaskuvllas sámegiella 1. dahje 2. giellan 2, Suoma logahagas eatnigielladutkkus dahje lohkan sámegiela vierrogiellan ja Ruota gymnásas eatnigiellan (modersmål 200 čuoggá) dahje ođđaáigásaš giellan (moderna språk 200-300 čuoggá) dahje vástideaddji sámegielaohppu doaibmi njuolggadusaid mielde. Sámegiela gáibádusa sáhtá maid deavdit sámegiela lohkanbadjeoahpuin, 30 oahppočuoggá, dahje vástideaddji oahpuin dahje ceavzit giellageahččaleami maid Sámi allaskuvla lágida.

Dárbbu mielde ovddiduvvo gelbbolašvuoda meroštallan fágalaš árvvoštallamii ja meannuduvvo dán vuodul. Sáhtá nai čadahuvvot ságastallan duodjegelbbolašvuoda árvvoštallama doarjjan.

5. Oahpahus- ja eksámengiella

Váldo oahpahus- ja eksámengiella lea davvisámegiella. Jus oassi logaldallamiin lea eará sámegielaide, dáro-, suoma- dahje ruotagillii, de dat dulkojuvvo dárbbu mielde. Jus logaldallamat leat eanjalasgillii, dat eai dulkojuvvo. Eará sámegielat studeanttaide geahččalit láhčit dili nu ahte sii sáhttet čállit barggaid ja eksámena, ja oažžut oasi bagadallamis iežaset sámegillii.

Eksámenčálus galgá leat sámegillii, muhto sáhtta sierra ákkaid geažil ohat eará gillii čállit.

6. Sisdoallu

Studeanta dahká oktagaslaš duodjefágalaš barggu fáttás, maid ieš lea válljen ovttasráđiid nammaduvvon bagadalliin, gii galgá bagadallat studeantta barggadettiin. Studeanta ráhkada plána maid bagadalli dohkkeha. Bargu lea duodjebargu masa studeanta vállje bargovugiid ja mas čájeha fágalaš ovdáneami. Bachelorbargu lea duddjonoassi ja čálalaš čilgehus/guorahallan. Čálalaš čilgejumis/guorahallamis berrejit boahit ovdan studeantta ulbmilat bargguin, fáddáčilgehus ja/dahje fágáčilgehus, teorehtalaš guorahallan ja reflekšuvdna.

7. Oahppanjoksosat

Oahpu čađaheami maŋgel lea studeanta oľahan čuovvovaš oahppanjoksosiid:

Diehtu:

Studeanta

- diehtá obbalaččat duodjefágalaš váldolahkonanvugiid duodjedutkamušas
- dovdá duodjedutkamuša vuodđoteoriijaid ja -metodaid ja mo daid vuodul guorahallá duodje- ja hábmenfáttáid
- dovdá dieđalaš dutkama ja ovdanbuktima vuodđoprinsihpaid, bargovugiid ja etihka.

Máhttu:

Studeanta

- máhtta válljet dutkanfáttá duojs/dáidagis dahje hábmemis ja guorahallat dan fáttá
- máhtta hábmet dutkangažaldaga(id) ja dutkanplána
- máhtta ohat duodjedutkamušii heivvolaš teoriijaid ja metodaid
- máhtta oktiibidjat duddjonplánema ja duddjoma ráddjejuvvon čuolmma siskkobealde
- máhtta heivehit duddjoma, dieđalaš dutkama ja ovdanbuktima váldoprinsihpaid, bargovugiid ja etihka iežas bargui
- máhtta ovdanbuktit duodjedutkamuša čálalaččat ja njálmmálaččat dieđu, mii gullá dutkanfáddái.

Oppalaš gelbbolašvuohta:

Studeanta

- máhtta duddjot/hábmet stuorábuš barggu ávnnasteami rájes gárvves buktagii

- máhtttá čađahit duddjomii dahje hábmemii gulli fáttá birra unnibuš dutkanbarggu, mii vuodđuduvvá duodjedutkamuššii ja diedlaš čállima iešvuodaide ja gáibádusaide
- máhtttá árvvoštallat kritihkalaččat duoji ja hábmema iešvuodaide
- máhtttá háhkat ja analyseret relevánta dieđuid
- máhtttá struktureret ja čállit diedlaš teavstta.

8. Oahpahan- ja oahppanvuogit

Oahpahus lágiduvvo logaldallamin, bagadallamin ja dutkansemináran. Studeanta oažžu bagadallama čállima ja duddjoma oktavuodas. Studeanttas lea vuoigatvuohta oažžut bagadallama unnimusat 3 geardde bachelorbarggu barggadettiin.

9. Gáibádusat beassat eksámenii

Ovdal beassá eksámenii, galgá studeanta:

- bachelorbarggu barggadettiin čađahit guokte fágabagadallama
- searvat unnimusat golmma bagadallanseminárii (oktiibuot vihtta bagadallanseminára) mas galgá:
 - 1) ovdanbuktit dutkanplána, mas lea guorahallan fáttá, čuolmma ja mot lahkoni čuolmma duddjomiin
 - 2) čiekŋudit duodjedutkama earenoamášvuhtii, duddjonvuđot dutkanvuohkái
 - 3) analyseret njálmmálaččat ja girjjálaččat dutkanfáddái heivvolaš girjjálašvuoda (omd. referáhttaseminára) ja árvvoštallat heivvolaš lohkanmeari ovttas fágaoahpaheddjiin
 - 4) opponeret ovttá mielstudeantta teavstta bagadallansemináras.

Ovdal seminára galgá čálalaš oassi bachelorbarggus sáddejuvvot fágaoahpaheaddjái ja mielstudeanttaide.

10. Eksámen

Eksámen lea bachelorbargu. Bargu árvvoštallojuvvo guovtti oasis:

1. Gárvves duodji ja čájáhus (deaddu 50 % árvosánis).
2. 10-15 siiddu viidosas čálalaš bargu (deaddu 50 % árvosánis). Čálalaš barggus galgá leat sihke álggahus, teoriija, metoda, analysa ja bohtosat. Ovdasiidu ja gáldolistu eai rehkenastojuvvo siidologuide. Čálus galgá leat sámegillii, muhto sáhtta sierra ákkaid geažil ohcat eará gillii čállit.

Eksámenat árvvoštallojuvvojit bustávvaárvosániiguin, mas A lea buoremus árvosátni ja E lea vuolemus ceavzinárvosátni. F árvosátni mearkkaša ahte ii leat ceavzán.

11. Leago privatisttain vejolaš váldit dan oahpu?

Ii leat

12. Kvalitehtasihkkarastin

Čujuhuvvo Sámi allaskuvlla kvalitehtasihkkarastinvuogádhkii ja dasa makkár vejolašvuodát ja geatnegasvuodát studeanttain leat árvvoštallat Sámi allaskuvlla oahppofálaldagaid ja bálvalusaid kvalitehta. Studeanttain lea geatnegasvuolta searvat árvvoštallamiidda mat leat oassin kvalitehtasihkkarastinvuogádagas.